

醫方彙編

五

醫方集宜卷四目錄

中氣門

諸疝門

痰飲門

咳嗽門

附肺痿

肺癰

痰喘門

附哮喘

癆瘵門

諸虛門

附蒸病

自汗盜汗門

吐血門

衄血門

咳血門

咯血門

溺血門

便血門

卷四目錄

醫方集宜卷之四

中氣門

病源

七情 四氣 六淫

人之一身皆賴乎氣氣之名曰衛衛者衛護週身之
謂也故女子宜耗其氣以調經男子宜養其氣以全
神大哉氣乎不可以不謹也或使七情以動乎內四
氣以感乎外調攝非宜爲病甚速 論云百病皆生
於氣是也夫怒則氣上喜則氣緩憂則氣散一日勞

則氣耗悲則氣消恐則氣下寒則氣收炅則氣泄驚則氣結此九氣之不同也其或蒼卒之間氣不調順令人牙關緊急不省人事手足搐溺四肢不舉漸漸悶亂此中氣之候也但口中無涎聲不可誤用風藥臨病之際慎之

形證

張子和云諸病皆因於氣諸病皆生於氣是也常則安變則病然爲七情六淫所干故諸病生焉爲腫脹爲喘嗽爲膈噎爲癰疽爲嘔逆爲痞塞爲疼痛此皆

氣之爲病也

王太僕云怒則陽氣逆上而肝木乘脾故甚則嘔血
及吐泄也喜則氣和志達榮衛通利而氣緩矣悲則
心絲急肺葉舉上焦不通榮衛不散而氣消矣恐則
精却却則上焦閉閉則氣還而下焦脹而氣不行矣
寒則腠理閉氣不行而氣收矣炆則腠理開榮衛疎
汗大出而氣泄矣驚則心無所依神無所歸慮無所
定而氣亂矣勞一作則喘息汗出內外皆越而氣耗
矣思則心無所存神無所歸正氣留而不行故氣急

矣此素問之辨九氣言之詳且明矣

脉法

脉訣要曰下手脉沉便知是氣沉極而伏濇弱者難治沉而兼滑痰飲脉也

治法

一七情傷氣鬱結不舒痞悶壅塞發爲諸病當詳所起之因滯於何經上下部分宜隨經用藥

一局方多用辛香燥熱之藥以治氣果因冷氣滯不散香燥可也若脉受火邪必加苦寒之藥以佐之

一利肺氣須用枳壳多服則損胸中至高之氣

一瀉肝氣須用青皮多服亦損真氣

一云氣無補過法世俗之論也若病痞滿壅塞似難於補不思正氣虛而不能運行邪氣不用補法氣何由行所謂正氣盛而邪氣退也

一憂思過度五臟不和三焦氣滯胸膈氣滿疼痛喘
息宜用 流氣飲 分氣紫蘇飲 分心氣飲

一氣不升降肺氣喘促胸膈脹滿宜用 蘇子降氣

湯

一氣不調順胸膈膨脹喘嗽面浮宜用 木香流氣

飲

一七情鬱結心腹絞痛宜用 七氣湯 指迷七氣

湯

治方

流氣散 治五臟不和三焦氣壅腫滿喘嗽面浮便

秘

紫蘇 青皮 當歸 芍藥 烏藥 茯苓 桔

梗 半夏 川芎 黃芪 枳殼 防風 陳皮

甘草 木香 檳榔 枳實 大覆皮 水二鍾

姜三片紅棗一枚煎八分食遠服

分氣紫蘇飲

五味子 桑白皮 茯苓 炙甘草 草蓂 大

覆皮 陳皮 桔梗 各等分 紫蘇 減半

蘇子降氣湯 方見喘門

分心氣飲 治一切氣滯胸膈疼痛痞塞不消

木香 丁香 人參 麥門冬 大覆皮 大腹

子 桑皮 草蓂 桔梗 厚朴 白朮 香附

藿香 紫蘇 陳皮 甘草 水二鍾姜三片棗

一枚煎服

木香流氣飲 治諸氣痞塞胸膈膨脹面目浮大便

秘

陳皮 半夏 厚朴 青皮 紫蘇 香附 肉

蓬朮 丁香皮 檳榔 藿香 草菓 木通

白朮 人參 木瓜 大覆皮 麥門冬 上 苓

沉香 石菖蒲 姜三片棗一枚煎服

七氣湯 治七情氣結於內心腹絞痛

人參 甘草 官桂 半夏 姜煎服

指迷七氣湯 治七情氣不升降攻衝作痛

香附 青皮 陳皮 桔梗 蓬朮 官桂 藿

香 益智仁 三稜 甘草 水二鍾姜三片紅

棗一枚煎服

四七湯 治思慮氣結痰涎如絮咯不出噦不下

半夏 茯苓 紫蘇 厚朴 姜三片棗一枚煎

服

木香順氣散 治濁氣在上則生噎脹

木香 蒼朮 桔梗 陳皮 厚朴 砂仁 甘
草 青皮 茯苓 半夏 官桂 草豆蔻 姜
三片煎服

木香調氣飲 治氣虛痞悶惡心腹痛

白豆蔻 丁香 檀香 木香 藿香 甘草
砂仁 姜三片煎服

木香導氣丸 治積熱傷脾食不消化

神麴 麥芽 蘿蔔子 牽牛 木香 陳皮

青皮 右爲末糊丸如桐子大每服三五十丸鹽

湯送下

勻氣散 治氣滯不勻腹痛嘔吐

木香 檀香 丁香 藿香 白豆蔻 甘草
砂仁 白水煎服

沉香下氣丸 治一切氣痰

茯苓 人參 木香 丁香 沉香 青皮 白

朮 砂仁 三稜 蓬朮 檳榔 陳皮 官桂

香附 牽牛 石菖蒲 白豆蔻 蘿蔔子 右

爲末麵糊爲丸如小豆大每服三五十丸姜湯送

下

撞氣阿魏丸

治五噎冷氣積塊刺痛疝氣

茴香

青皮

陳皮

蓬朮

川芎

甘草

炙各一兩

肉桂

砂仁

丁皮

白芷

各五錢

胡椒

二錢五分

生姜

四兩鹽淹炒黑

阿魏

醋浸一宿二錢五分同麵爲糊

右爲末用阿魏和

麵糊爲丸如桐子大硃砂爲衣每服二三十九男

用姜鹽湯送下女用醋湯送下

木香檳榔丸

治一切氣脹大小便不利嘔酸食不

消化

木香 檳榔 青皮 枳殼 陳皮 蓬朮 黃

連

各一兩

黃栢

香附

大黃

各三兩

牽牛末

四兩

右爲末水丸如桐子大每服三十丸食遠姜湯送下

木香分氣丸 治氣逆痞悶腹痛虛脹

木香 甘草 砂仁 香附 蓬朮 丁皮 藿

香 姜黃 甘松 檀香 右晒乾不見火爲末

稀糊丸如桐子大每服三十丸姜湯或橘皮湯任

下

寬中枳朮湯

治胸膈飽悶飲食作脹或成虛滿痞

硬

白朮 枳實 陳皮 半夏 茯苓 厚朴 青

皮 山查 神麴 甘草 ○胃中寒加砂仁官

桂○胃中熱加炒山梔 生姜煎服

舒鬱理氣湯 治胸中氣鬱不舒暢或作酸嘔脹痞

悶不食

蒼朮 香附 山查 甘草 青皮 木香 厚

朴 蓬朮 檳榔 半夏 茯苓 神麴 水二